

Vnder dem vnschlit vnd marck / hat das hirtzen dz
höchst lob / zu vilen dingen breüchlich.

Dioscorides sagt / so jemandes mit hirtzen vnschlit / Schlan
oder marck sich thü salben / den selben fliehen die schlan gen.
gen / vnd andere giftige thier.

Es heilt auch schründen vnd ritz am hindern.

Böcken vnschlit zertheilet hefftig / darumb wurt
es mit geißbonen vnd saffran temperiert / vñ nutzlich
vber das Podagra gelegt.

Schrunden am
hindern.
Podagra

Schäffen vnschlit sol gleiche würckung haben.

Man pflegt auß den Kindern beinen vnd kloen ein
fettigkeit zu sieden / das ist ein ganze gemede zarte fet-
tigkeit / brauchen die Awrenmacher vñ schlosser zu
irem handel. Solt man aber den nutz vnd brauch des
Schmalz / des vnschlit vñ aller fettigkeit beschreiben /
wir müsten ein besonder büch darzu haben / genüg ist
dis mal vom blüt vnd fettigkeit / so vil in vnser Speiß-
kammer dienen / der ander thier blüt vnd fettigkeit / so
nit zur Kuchen vnd Speißkammer deuglich / weisen
wir dis mals von vns abe / vnd schicken sie in die Apo-
tecken zu erkundigen.

Von Teütschen Fischen vnd Krep-
sen / mit iren Wasser flüs-
sen. Cap. xvj.

In Teütschen land seind vil grosser vñ kleiner
Fischreicher wasser / dazu mancherlei See / wö-
ge vnd weiher / in welchen Fisch vñ Krebs gefan-
gen werden.